

<<词部>>

图书基本信息

书名：<<词部>>

13位ISBN编号：9787807526346

10位ISBN编号：7807526343

出版时间：2011-1

出版时间：四川出版集团，巴蜀书社

作者：《二十世紀詩暈墨匯編》編委會

页数：207

译者：[楊啟宇主编]

版权说明：本站所提供下载的PDF图书仅提供预览和简介，请支持正版图书。

更多资源请访问：<http://www.tushu007.com>

<<词部>>

内容概要

二十世纪诗词文献汇编：词部（第2辑 第1册），ISBN：9787807526346，作者：《二十世纪诗词文献汇编》编委会 编

<<词部>>

书籍目录

陈宝琛四十二首张祥龄三十一首宋育仁十八首朱青长四十首赵熙二十二首吴保初五首金天羽三十一首
杨圻一百零二首许宝衡五十二首陈曾寿九十六首秋瑾六首王国维七十六首

<<词部>>

章节摘录

月下笛促织和强村韵惜同仲作 月满西堂，凄凄切切，是何情语。
无人和汝。

恁抽愁、万千绪。

相思金井阑边夜，忍重说、长安旧雨。

剩虚楼警梦，孤灯吊影，絮恨难曙。

谁误。

留人住。

奈啜泣王孙，冷吟交诉。

金笼买鬪，几绉闲杀寒杼。

荆驼侧畔伤心过，又根触、商音一度。

藜床下，等噤声偷活，且放秋去。

霜叶飞落叶用梦窗九日韵 一秋无绪。

霜天里，朝朝风捧辞树。

夜长还要警孤眠，听打窗如雨。

更恻恻、危枝倦羽。

添薪虚忆庭槐古。

尽唱彻哀蝉，甚处觅、题红那管，客衣缁素。

长记九日江亭，商飙猎苇，此题弱冠曾赋。

而今人亦秃成枯，羸共阶蛩语。

忍撒却、干梢断缕。

飘零休便随流去。

但保得、冬心在，转绿回黄，是归根处。

惜秋华看菊罗氏园用梦窗韵 似此风光，便归来栗里，成何怀抱。

种菜闭门，英雄也曾埋照。

秋花瘦本输春，却省得、禽喧蜂扰。

只惭愧，衰颠渐秃，乞枝簪帽。

容易见花老。

趁萧晨转暖，霜姿端好。

晚节淡交，可许苇杭频到。

长年苦费浇培，剩自怡、地偏园小。

看了。

恐寻芳、素心人少。

定风波夕阳 画里残山一道斜，际天衰草带余霞。

陵阙谁家那忍问，传恨，故官明灭付归鸦。

无分南荣长炙背，何意，晚晴西阁尚留些。

还是枯萎偏耐久，厮守，知时让与合昏花。

百字令晚菊二首 褊哉韩子，恨霜中花好，胡为生晚。

信自情芳何早暮，篱外西风从换。

送酒人稀，餐英客去，独作南窗伴。

夷然冰雪，一丛应胜千万。

不念三径全荒，颓龄强制，祇就微阳暖。

香色过时宁可采，要验天心梅点。

畴昔朱门，渊明挤坏，此品谁曾见。

署牌珍重，来年留种休断。

一秋过了，看束篱凋槁，霜下谁杰。

<<词部>>

独立略无迟暮感，自是义熙道子。
位置南荣，瓦盆未厌，花好还须叶。
寒泉相慰，从来不借余热。
犹记老圃亲浇，数丛留殿，纯白逾冰雪。
澹到无言偏耐久，岂有缁尘能涅。
转眼阳生，与梅交代，芳意何曾歇。
落英餐馥，晚香存几休折。

锦缠道冬至 九九图成，子半一阳微动。

忆郊坛、迭曾陪从。
袞龙仙乐千官拥。
雪点丰貂，了不知寒冻。
剩圜丘归然，盛年如梦。
悄黄钟、律犹吹中。
尽老来、虚过团圆节，一家三地，又欠搓丸供。

金缕曲寒鸦 朔气催成暝。

莽沉沉、乱云堆墨，横斜千阵。
槐柳故官深藏处，禁得霜天凄冷。
又正恐、争栖难定。
寒日无光何时曙，记翩飞、曾带昭阳影。
终古恨，几人省。
夜啼动搅孤眠醒。
更怜伊、月明绕树，最担虚警。
投止苍黄知谁屋，接饭丛祠差幸。
且珍重、羽毛休损。
开口易招南儿唾，漫误人、北雁传边信。
头尽白，故山迥。

江城子忆梅 暗香入梦正花时。

手亲移。
尽成围。
廿载偕寒，廿载忍抛离。
下策火攻新出窖，聊慰眼，怎如伊。
定谁索笑绕芳池。
纵开迟。
易空枝。
铁石心肠，能免坐相思。
只恐月明还念我，春又到，几时归。

瑞鹤仙戊辰束坡生日用梅溪体 老坡生丙子。

算五十三龄，戊辰刚值。
奇才践清地。
正金莲光下，唏嘘先帝。
官壶拜赐。
可曾念、黄州李委。
奈从今、白发苍颜，磨蝣命官难避。
长记。
干嘉全盛，岁岁苏斋，胜流高会。
奎精画里。
衣冠客，尽时制。

<<词部>>

适先庚旬日，诗龠诗老，南雅芙初并至。

恁沧桑、花甲重周，却来我辈。

菩萨蛮三首 衣冠筐篚承平景。

荒庄回首师门尽。

垂暮几门生。

酒肴无限情。

水乡鱼笋足。

投报纷相属。

虚耗海滨同。

可能存旧风。

送寒并送凋年去。

粃盆灶马归何许。

别岁比人难。

人行犹有还。

羔豚相慰劳。

但祝年年好。

且自酌吾诗。

依然是义熙。

居夷虽陋仍吾土。

四冬渐长痴儿女。

何苦旧京思。

人方废夏时。

通宵喧爆竹。

群办椒盘宿。

灯下愧苏斋。

细书犹卖兽。

玉烛新己巳人日集栖白痘 初正俄七日。

数雁后花前，欲归谁得。

乍晴旋暄，虚凝望、客里束风无力。

臣家旧德，故未忘、生寅时历。

忍见此、遣子周黎，嗷嗷若为安宅。

词流会饮高斋，仰壁上英光，中兴名笔。

降神辈出，人间世、剥复循环难测。

年芳自惜。

愧彩胜、金花头白。

只剩与、羹菜酬春，题诗寄忆。

汉官春新燕 社雨初零，瞥双双紫乙，下上烟梢。

分明海山蛰起，来就春韶。

华堂睇遍，尽衔泥、甚处安巢。

曾记否，昊官火及，莫嫌卑陋衡茅。

生性最知时节，况炎寒见惯，北雁东劳。

堤防饿鹧眼疾，敢爱飞高。

榑坛气淑，幸瑶筐、遣卯天教。

从贺厦、乌衣门巷，夕阳影里南朝。

淡黄柳花朝 无花自若，谁信花朝及。

九九余寒消不得。

却累闲蜂浪蝶同，虚趁林园侦消息。

<<词部>>

恁萧寂。

东风总无力。

稍回暖、霰旋集。

看山桃欲破还邀勒。

最是冬郎，往年犹可，凄断今年此日。

一丛花木笔 谪仙梦里揣香妍。

乱插向晴天。

春心未展疑含泪，恁垂露、不着朱铅。

偏是曙风，吹开兰蕊，捧日赛初莲。

楼前岁岁占花先。

紫白斗婵娟。

高枝坠瓣无人管，便归去、老秃谁怜。

清水院中，双株玉雪，聊自忏情禅。

蓦山溪寒食 东风不竞，熟食寒犹剧。

嫩绿柳初梯，装点作、千门春色。

汉宫传烛，回首艳阳天，半仙戏，万花舆，能料成今日。

纸钱麦饭，出郭人如织。

汤粥望诸陵，新来事、伤心何极。

过家草草，虚亿旧焚黄，黄州感，柳州悲，七载仍焉客。

庆春泽慢蒙赏藤花饼分饷同直溪园 香夺莲华，甜逾桂栗，内官颁与尝新。

玫瑰谁先，一般味取余春。

红绫重啖臣滋耄，更残牙、赐紫增荣。

坐凉阴，伴食朝朝，腹负羞扞。

京居压架丰茸满，怅花时人逮，何况江村。

收拾繁英，饼师犹惜温磨。

上阳深锁莺衔尽，甚心情、说向程丞。

尽分甘，衫袖包归，共饱浓恩。

忆旧游丰台芍药 看群芳代谢，占断春光，婪尾连畦。

过草桥南望，恐扬州盛日，无此华滋。

向时祖国王墅，芜废属场师。

问碧玉谁家，销魂值得，留视图诗。

噫嘻。

驻车处，忍千梢茧栗，卖与凡厮。

岁岁兵尘里，恁轮蹄交沓，虐甚风姨。

永随洛花先后，名品旧京遣。

奈短发羞簪，还怜欲插无古瓷。

探春令絮影 是何悠扬，半庭晴日，随风无着。

误群儿、扑地还争捉。

又斜上、墙新罅。

六如空相谁真觉。

比沾泥奚若。

替剩春写照，浮萍一去，底处寻根脚。

点绛唇泛舟八里台观荷次子有韵 一舸清渠，曙风障断尘闼暑。

过云行处。

不带些儿雨。

本亦浮家，花欲留人住。

无多路。

<<词部>>

便随香去。

收取荷盘露。

梦芙蓉同梅生嘿园晓泛荷湾 熯熯熏梦断。

喜敲门客到，缺蟾斜瞰。

练波双桨，谈笑入葭葭。

露香花近远。

初阳妆就明艳。

未隔兼旬，看绸房翠药，开谢渐过半。

苦念金螿影畔。

牢落红衣，水怨蓬莱浅。

比还连雨，伤潦共菱芡。

一湾芳自占。

舟招况对词伴。

记否家江，正鱼肥荔美，和月趁潮泛。

贺新凉立秋日蒙赏秋叶饼与惓仲同赋 秋至谁先省。

看行朝、毕罗颁下，夏时犹准。

嫋嫋风将凉一味，付舆汤官管领。

却抚得、银床片影。

抚序易生长年感，听哀蝉、还忆莲花饼。

包袖热，莫教冷。

流民织路无人振。

忍回思、承平士女，翦楸簪胜。

上苑虫文分明验，凄绝壶殆从径。

况旅食、飘零难定。

角黍花糕年年事，对旧京、内样滋悲哽。

牙齿缺，且留钉。

桂枝香中秋蒙赏月饼 中秋又及。

正桂子香飘，拜恩篷实。

一样团团纒满，坼还成十。

金盘玉屑分明是，忆冬郎、禁中曾直。

倚床闲啖，丹心最苦，素餐滋恧。

咄官阙、何年此夕。

便影就山河，怎禁暮蚀。

如许高寒楼宇，寔餐谁壁。

合修七宝谈容易，但画地、噉名奚益。

太清休滓，含毫欲赋，为君停食。

龙山会九日集饮味云寓斋 五度过重九。

海曲风光，断送成衰朽。

登高无培螻。

小楼外、危绿萧疏槐柳。

不日奈层阴，及未雨、来中君酒。

却牵情，名园咫尺，梦痕非旧。

那堪阵阵哀鸿，流转关山，雪早衣谁授。

艰难开笑口。

风鹤里、差算黄花无负。

世事迫偷生，念有弟、先庐犹守。

对英囊、揜筇北望，为兄搔首。

<<词部>>

八声甘州寒鸡 此何声凄绝五更初，三号彻霜天。
 亿传筹绛愤，重合乍启，束带鸣先。
 换得千村万落，呼应海潮问。
 谁复蹴人起，气尽中原。
 此际欢场耳热，正灯明酒酺，如沸吹弹。
 任门前风雪，啼断夜漫漫。
 更哀鸿、相旷旷野，盼阳乌、不出怎回暄。
 最难忘，宣南残柝，戒日一当年。
 庆春官豹房铜牌 云黯康陵，芜深南内，片铜剩臭犹剧。
 蹋鞠朋游，争棋不逊，若曹同此门籍。
 尾随毡幄，更何羨、穿官五百。
 漫劳讥察，义子连翩，况兼豪贼。
 一从夜度居庸，关钥难遮，印符亲敕。
 家裏忘归，覆舟渔后，歌哭都成陈迹。
 一朝遗念，只天府、图藏警蹠。
 留名真个，威武余风，就中呼出。
 瑶华水仙 兰犹带土，莲不辞泥，怎如伊清绝。
 模金铸玉，貌不出、一种肌冰肤雪。
 半窗寒日，尽厮守、又过残腊。
 却汝缘、识面束风，省惹许多蜂蝶。
 满城心醉唐花，看水石盆中，曾否因热。
 诗人可恼，浪举似、仙子浚波尘鞮。
 梅兄易谢，纵憔悴、国香休掐。
 把蒜头、珍重收培，闲岁依然花叶。
 淡黄柳新柳 回黄转绿，谁透春消息。
 入画纤眉舒未得。
 幸语行人莫折，留与千门作寒食。
 御河侧。
 青青怎如昔。
 乍装点、可怜色。
 忆当年重为灵和惜。
 肯信东风，玉关遮断，犹有羌儿怨笛。
 应天长明费官人故里 生男莫重，生女莫轻，忠贞或在巾幅。
 划尽析津城郭，过问焉凭轼。
 惜么么，非闯贼。
 误利匕、刺仇偏失。
 恁纤弱，侠烈如斯，一何雄特。
 闻说寇深时，邂逅中官，频问外消息。
 处死寸心坚决，谁能犯完璧。
 从先后，归毅魄。
 附传尾、藉扶人极。
 旧门巷，正对宫墙，阅年三百。
 醉乡春酒痕 试验旧衫回忆。
 知是几场余沥。
 望疑影，颯犹香，谁信坠欢难拾。
 惨绿晕成重碧。
 墟下可怜陈迹。

<<词部>>

比白傅，说杭州，浦襟况更闻琶湿。

齐天乐早蝉 霸居又人蕤宾律，新阴翳然槐柳。

苦鸪愁听，荒蛙厌聒，琴曲迎熏初奏。

冠矮似旧。

任费恨声声，怎消长昼。

不是先鸣，变商容易落秋后。

无情宫树一碧，况芜平梗泛，何限回首。

露逐盘移，天留叶翳，高处犹容痴守。

远山许久。

剩对鬓渐衰，蜕身怜朽。

别动经年，更烦相警否。

玲珑四犯夏夜听雨从清真体 十斛明珠，不与换今宵，檐际新溜。

洒竹喧荷，风过欲停还骤。

灯外蓦地倾盆，顿气爽、似聆金奏。

恁梦魂冰簟禁否。

堪喜旱田深透。

梦回翻忆宣南旧。

惯残更、徙床惊漏。

九重谢降旋忧潦，容易河开口。

今日满耳鼓鼙，谁暇问、庶征休咎。

剩秃翁支枕，听渗漉，沈吟久。

惜红衣立秋后五日同梅生重泛荷湾和石帚韵 夜雨成秋，前尘计日。

胜游犹力。

一棹香云，疏花恋丛碧。

芳辰易驶，倾意待、同舟词客。

清寂。

支枕扣舷，得斯须将息。

铜驼废陌。

擎翠摇红，菰蒲恣陵藉。

无因再梦化国。

海南北。

寒却旧盟鸥鹭，自笑万波空历。

恁满房心苦，那似昔时颜色。

齐天乐 观莲节鹤亭集饮十剩海，樊山成《荷花生日》七律八首，瞬已经月，忆辛亥六月遇闰再闰，则须辛巳矣，戏作闰荷花生日。

廿年季夏重逢闰，匆匆立秋旬许。

翠盖花疏，绑房前老，又说骚人初度。

笛杯再举。

记朋饮湖楼，坠欢如露。

况隔沧桑，液池回首棹行处。

而今凄指藕节，只渔乡几曲，销得残暑。

位占余分，光随太乙，相对浑忘迟暮。

芳心最苦。

似为我淹留，犯风淋雨。

后十一年，可能来寿汝。

水龙吟得碧栖临役手札感痛代哭 十年望断来鸿，发函乃出蒲留顷。

苍凉掩抑，死生之际，一何神定。

<<词部>>

我欲招魂，海天兵火，巫阳焉讯。
念百回千结，那时情味，盈眶泪，如泉迸。
石帚清狂无命。

恁荒波、日亲蛙咀。

颓唐尔许，不应真个，江郎才尽。

丛稿谁收，审音刊字，吾犹能任。

却自怜老耄，君还舍我，就何人正。

摸鱼儿题子有填词图即送其南下便道游岱
苍茫家国无穷泪，都付笛声箜语。

肠断处。

对老柳残荷、谁复如前度。

江湖倦旅。

正妬煞迦陵，及身清晏，满意勘音吕。

多歧路，干条可留片土。

年芳恐不吾与。

荃茅变化浑无准，虚说结兰延伫。

君试数。

恁旧社佳侑、沙散何缘聚。

匆匆又去。

羡巾筐携来，岳莲庐瀑，飞鞋蹑云步。

壶中天残棋 一枰零乱，欠狷儿替我，从新翻却。

越是收场须国手，不管饶先争着。

休矣纵横，究谁胜败，局罢同邱貉。

可怜灯下，子声敲到花落。

兀自坐烂樵柯，神州卵累，眼看全盘错。

大好河山供打劫，试较是非今昨。

蝮甲枯余，玉尘输尽，说甚商山乐。

羨他岩老，梦边那省飞霰。

前调平韵破砚 衰残石友，尽相从劫后，磨墨磨人。

整个金瓯看撞碎，画山一角偏珍。

对此畸形，依然介性，恋恋剧多情。

旧毡虽敝，与伊同伴寒呻。

坡老苦说无田，枯还食汝，遭际总承平。

乱世全身差自幸，璧完能望陶泓。

不见铜山，系囚流窜，惟有断碑亲。

半珪乌玉，垫居聊送余生。

张祥龄三十吾 张祥龄(一八五三-一九〇三)，字子兹，四川汉州(今广汉市)人。

以拔贡身份选送成都尊经书院，即有诗名。

后侨居江苏，与吴中名士结词社，又以词名。

曾任陕西怀远知县。

有《子兹词抄》。

卜算子二首 塘暖宿鸳鸯，百树珊瑚覆。

乍见束风便别离，怪得和人瘦。

香颈乍回时，粉额初裁就。

占得江南第一春，一夜眉梢透。

粉泪滴楼头，流水呜呜咽。

羌笛无端片片飞，千里关山别。

镇相望、两年重见，新霜髭髯如许。

<<词部>>

高士古衣冠，独抱孤芳洁。
贮得诗囊万斛愁，休与他人说。

.....

版权说明

本站所提供下载的PDF图书仅提供预览和简介，请支持正版图书。

更多资源请访问:<http://www.tushu007.com>